

JAVNO PREDUZEĆE «VODOVOD I KANALIZACIJA» d.o.o.

Z E N I C A

Direktor preduzeća

Broj: 101-9.432/16 HH

Zenica, 10.06.2016. godine

Na osnovu člana 69. stav 2, tačka e, člana 70. stav 1,3 i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 716-9.430/16 HH od 10.06.2016. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U

poništenju postupka za nabavku usluge ispitivanja i kalibracije 6 elektromagnetnih mjerača protoka proizvođača Endress + Hauser

I

Poništava se postupak javne nabavke usluga za nabavku usluge ispitivanja i kalibracije 6 elektromagnetnih mjerača protoka proizvođača Endress + Hauser, iz razloga što dostavljena ponuda nije prihvatljiva za Ugovorni organ - član 69. stav 2, tačka e, Zakona o javnim nabavkama BiH.

II

Za izvršenje ove odluke zadužuje se Komisija za nabavke.

III

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

IV

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-8.139/16 HK od 19.05.2016. godine.

Javna nabavka je provedena putem konkurentskog zahtjeva za dostavu ponuda, bez zaključivanja okvirnog sporazuma.

Procijenjena vrijednost javne nabavke bez uračunatog PDV-a je 3.000,00 KM.

Dana 20.05.2016. godine na Portalu javnih nabavki, istovremeno sa objavljivanjem obavještenja o nabavci broj: 439-7-2-196-3-31/16, objavljena je i tenderska dokumentacija.

Poziv za preuzimanje tenderske dokumentacije broj: 713-8.139-2/16 HK od 20.05.2016.godine upućen je sljedećim ponuđačima:

1. IVEX d.o.o. Usora ,
2. HERKON d.o.o. Mostar ,
3. DELTA PETROL d.o.o. Kakanj,
4. IBEJ d.o.o. Sarajevo.

Na osnovu Izvještaja o preuzimanju tenderske dokumentacije od strane ponuđača od 31.05.2016. godine u 13:57 sati, utvrđeno je da su sljedeći ponuđači preuzeli tendersku dokumentaciju:

1. BBS Europe,
2. ORAO A.D.,
3. Delta Petrol d.o.o. Kakanj ,
4. IBE Junuzović ,
5. IVEX d.o.o..

Komisija za nabavku imenovana je Odlukom broj:101- 197 /16 MS od 11.01.2016. godine.

Komisija za nabavku je dana 10.06.2016. godine direktoru preduzeća dostavila Zapisnik o ocjeni ponuda broj: 716-9.431/16 HH od 10.06.2016. godine sa preporukom o poništenju postupka za nabavku usluga broj: 716- 9.430-1/16 HH od 10.06.2016. godine, u postupku javne nabavke za nabavku usluge ispitivanja i kalibracije 6 elektromagnetnih mjerača protoka proizvođača Endress + Hauser.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno izvršila otvaranje ponude i ocjenu prispjele ponude, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 1 (jedna).
- da su blagovremeno zaprimljene 1(jedna) ponuda.
- da nema neblagovremeno zaprimljenih ponuda.
- ukupno preuzeto tenderske dokumentacije od strane ponuđača sa Portala javnih nabavki 5 (pet).

U postupku donošenja ove Odluke, posebno su ocijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriteriju iz tenderske dokumentacije.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Polazeći od gore navedenih konstatacija, a shodno odredbama Zakona i opštim aktima ugovornog organa Komisija je ocjenila da:

Ponuđač DELTA PETROL d.o.o. Kakanj je dostavio ponudu u vrijednosti od 3.600,00 KM bez PDV-a, koja prelazi procijenjenu vrijednost Odluke od 3.000,00 KM bez PDV-a za predmetnu nabavku. Zbog prethodno navedenog, ponuda ponuđača se odbija na osnovu člana 68. stav 4 tačka (j) Zakona o javnim nabavkama.

Shodno prethodno navedenom, Komisija je dala Preporuku da se poništi postupak za nabavku usluge ispitivanja i kalibracije 6 elektromagnetnih mjerača protoka proizvođača Endress + Hauser, jer nije primljena nijedna prihvatljiva ponuda za Ugovorni organ.

Iz navedenih razloga, primjenom člana 69. stav 2. tačka e. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.



DIREKTOR:

Kahniman Ekrem, dipl.ing.maš.

DOSTAVLJENO:

- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Komercijalna služba
- 3 x Članovima Komisije
- 1 x Sekretar Komisije
- 1 x a/a